

sed heus tu, vidē sis nequid inprudens ruas !
 patrem novisti ad has res quam sit perspicax ;
 130 ego te autem novi quām ēsse soleas inpotens ;
 inversa verba, eversas cervices tuas,
 gemitus screatus tussis risus abstine.

CLIT. laudabi'. *SY.* vidē sis. *CLIT.* tutemet mirabere
SY. sed quam cito sunt consecutae mulieres !
 135 *CLIT.* ubi sunt ? quor retines ? *SY.* iam nunc haec non
 est tua.

CLIT. scio, apūd patrem ; at nunc interim. *SY.* nihilo
 magis.

CLIT. sine. *SY.* non sinam inquam. *CLIT.* quaeso
 paullisper. *SY.* veto.

CLIT. saltem salutēm .. *SY.* abeas si sapias. *CLIT.* eo.
 quid istic? *SY.* manebit. *CLIT.* [o] hominem felicem ! 380
SY. ambula.

iv BACCHIS ANTIPIHLA CLINIA SYRVS

BA. Edepol te, mea Antiphila, laudo et fortunatam iudico,
 id quom studuisti isti formae ut mores consimiles forent ;
 minimeque, ita me dī ament, miror si te sibi quisque expetit.
 nam mihi quale ingenium haberet fuit indicio oratio :
 5 et quom egomet nunc mecum in animo vitam tūam con- 385
 sidero

omniumque adeo vostrarum volgu' quae ab se segregant,
 et vos esse isti(u)s modi et nos non esse haud mirabilest.
 nam expedit bonās esse vobis ; nos, quibūcum est res, non
 sinunt :

quippe forma inpulsi nostra nos amatores colunt ;